

Powšitkowne WOZJEWJENJA

njedźelu, 14. januara 2018

75. posmjertniny zbóžneho martrarja Alojsa Andrickeho

Lětsa je 75 lět, zo počerpje kapłan Alojs Andricki w Dachawje martrarsku smjerc. Wopomnjenski dzeń zbóžneho martrarja je sobotu, 3. februara. Swjatočnu Božu mšu na tutym dnju změje Drježdžansko-Mišnjanski biskop Heinrich Timmerevers w 10 hodź. w farskej cyrkwi w Radworju. Kemšam přizamknje so zetkanje a přikus na zahrodže wokolo cyrkwe. Wšitcy wěriwi ze serbskich wosadow su wutrobnje přeprošeni.

Dalše městna za jězbu do Dachauwa

Za jězbu do Dachauwa a Mnichowa skladnostnje 75. posmjertnin zbóžneho kapłana Alojsa Andrickeho, na kotruž su młodostni wot 9. lětnika wot soboty do njedzele, 3. do 4. februara, přeprošeni, buchu zarjadowarjej, Towarstwu Cyrila a Metoda z.t. z Worklečanskim dekanatnym dušepastyrstwom za młodzinu někotre přidatne městna k přenocowanju poskićene. Tohodla móža so dalši zajimcy hišće hač do pónđzele, 15. januara, we Worklecach přizjewić, telefonowe čisło (03 57 96) 9 55 95 abo z mailku na don.boskowsky-dom@t-online.de.

Zhromadny dzeń za 1. a 2. lětnik

Dekanatne dušepastyrstwo přeprošuje džěci 1. a 2. lětnika wutoru, 13. februara, wot 9.00 do 15.00 hodź. pod temu „Póstnicy“ do Don Boskowneho domu we Worklecach. Zajimcy njech so prošu hač do pjatka, 2. februara, pod telefonowym čislom (03 57 96) 8 87 07 abo přez mailku na worklecy-kise@gmx.de přizjewja. Za wudawki dnja zběra so wobdžělnski přinošk we wysokosci štyrjoch eurow.

Zhromadny dzeń za 3. a 4. lětnik

Dekanatne dušepastyrstwo přeprošuje džěci 3. a 4. lětnika srjedu, 22. februara, wot 9.00 do 15.00 hodź. pod temu „Póstny čas a mój wopor?“ do Don Boskowneho domu we Worklecach. Zajimcy njech so prošu hač do pónđzele, 12. februara pod telefonowym čislom (03 57 96) 8 87 07 abo přez mailku na worklecy-kise@gmx.de přizjewja. Za wudawki dnja zběra so wobdžělnski přinošk we wysokosci štyrjoch eurow.

Swjedzeń swjateho Bosćana

Předsydstwo Bratstwa swjateho Bosćana přeprošuje wšitkich na swjedzeń swjateho Bosćana sobotu, 20. januara, do Chróscic. Bože mšě budu w 7.00 hodź. a 9.00 hodź. Swjedženski nyšpor z procesionom po wsy je w 14.00 hodź. Po nyšporje změja člonojo bratstwa na farje swoju hłownu zhromadźiznu.

Wěriwi ze wšitkich serbskich wosadow su přeprošeni, do Bratstwa swjateho Bosćana zastupić. Štóž chcył z člonom bratstwa być, njech so hač do pjatka, 19. januara, na Chróscanskej farje přizjewi, telefonowe čisło (03 57 96) 8 04 00.

Wo boju přećiwo wobšudnistwu při žiwidłach

Rodženy Radworčan dr. Handrij Klimant přednošuje pónđzelu, 29. januara, w 19.30 hodž. w kafeteriji Domu swjateho Jana w Smječkecach k temje „Bój přećiwo wobšudnistwu při zežiwidłach“. Dr Klimant dźěła w zwjazkowym zarjedze za škit přetrjebowarjow a wěstoty žiwidłow w Berlinje.

Džakne zarjadowanje kapałkowneho towarstwa

Towarstwo Worklečanskeje kapałki maćerje Božeje přeprošuje svojich člonow kaž tež wšitkich, kotřiž so dokoławokoło kapałki wo čistotu, pyšenje, wobrubjenje a zaručenje Božich službow a duchowneho žiwjenja staraja, wutrobnje na zhromadny wječor wutoru, 16. januara, na žurli maltezow we Worklečanskim hrodze. Započatk je ze zhromadnym róžowcom we 18 hodž. w kapałce. Zdobom džakujemy so wšitkim tež po tutym puću za swěrne skutkowanje.

Předsydstwo towarstwa

Dźělowe městno w Smječkecach

Dom swjateho Jana w Smječkecach pyta k 1. měrcj 2018 sobudźělaćerja z kwalifikaciju hladarja a kublarja zbrašenych (Heilerziehungspfleger) abo chorobnu sotru respektiwnje hladarja z wolu, wotpowědnu kwalifikaciju nachwatać. W Janskich kupjelach bydla, zastaruja a spěchuja so duchownje zbrašeni ludžo. Swoje pisomne požadanje njech pócělu zajimowani na adresu: Christliches Sozialwerk, Janska kupjel 1, 01920 Worklecy.

Mandželske seminary w lěće 2018

Přizjewjenja za seminary k přihotej na mandželstwo přijimuju so pisomnje hač do 19. januara 2018 w dekanatnym dušepastyrstwje we Worklecach, Młynski puć 4. Formulary k tomu wuleža w cyrkwjach. Nańdžeće je tež pod www.posol.de

Putniska jězba do Słowakskeje

Serbska putniska jězba do mało znateje Słowakskeje přewjedže so lětsa wot srjedy, 4. julija, hač do pónđzele, 9. julija, z Tereziju Kubašec a fararjom Geratom Warnarjom. Wobdžělnicy zeznaja lud a kraj pod Wysokimi Tatrami. Hotel změja w Levoči. Wottam wobdžěla so na putnikowanjomaj na Marijansku horu a do Litmanovy, wopytaja Prešov a Košice a móža so wot Tatrow wobkuzlać dać. Přizjewjenja přijimuje Šmitec wozydłownistwo w Radworju, telefonowe čisło (03 59 35) 28 60. Nadrobnosće k putniskej jězbe poda tež Bačoński farar Gerat Warnar.

Lětsa štyri putniske jězby

Na jězbu z lětađłom přeprošuju zajimcow lětsa wot njedzele, 10. junija, do pjatka, 22. junija, do Georgiskeje a Armenskeje. Dalše putniske jězby z busom powjedu wot srjedy, 4. apryla, do štwórtka, 12. apryla, do Lourdesa; wot srjedy, 23. meje, do njedzele, 27. meje, do Wrocławja a Krakowa kaž tež wot soboty, 29. septembra, do srjedy, 3. oktobra, ke Gardaskemu jězorej a do Venediga. Nadrobnije informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodž.) abo pola mnje w Hórkach, Sydlišcowy puć 2.

Maćij Hadank